

GRAD SARAJEVO**Gradsko vijeće**

Na osnovu člana 26. stav (1) tačka 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst) i člana 7. Odluke o spomenicima od značaja za Grad Sarajevo ("Službene novine Kantona Sarajevo", broj 12/11 i 21/16), Gradsko vijeće Grada Sarajeva, na sjednici održanoj 28.09.2016. godine, donijelo je

ODLUKU**O POSTAVLJANJU SPOMEN PLOČE ŠEHIDIMA I
POGINULIM BORCIMA SPECIJALNE JEDINICE
"ZAGREB"****Član 1.**

Postavlja se spomen ploča šehidima i poginulim borcima specijalne jedinice "Zagreb" (u daljem tekstu Spomenik), kao spomenik od značaja za Grad Sarajevo.

Član 2.

Spomenik se postavlja na mikro-lokaciji pored hotela Zagreb, a prema idejnom rješenju koje je sastavni dio podnesene inicijative.

Član 3.

Podnosilac inicijative za podizanje spomenika je Udruženje boraca - Specijalna jedinica "Zagreb".

Podnosilac inicijative će preduzeti sve aktivnosti na pribavljanju potrebnih saglasnosti i odobrenja za podizanje spomenika.

Član 4.

Finansiranje postavljanja spomen obilježja vrši Podnosilac inicijative.

Član 5.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-1468/16
28. septembra 2016. godine
Sarajevo

Predsjedavajući
Gradskog vijeća
Suljo Agić, s. r.

Na osnovu člana 40. stav 1. i člana 47. stav 2. alineja 1. Zakona o prostornom uređenju Kantona Sarajevo ("Službene novine Kantona Sarajevo", broj 7/05), te člana 16. stav 1. tačka 1. i člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), Gradsko vijeće Grada Sarajeva, na sjednici održanoj dana 28.09.2016. godine, donijelo je

ODLUKU**O IZMJENAMA I DOPUNAMA ODLUKE O
PRISTUPANJU IZRADI IZMJENA I DOPUNA
REGULACIONOG PLANA "GRADSKI CENTAR
MARIJIN DVOR"****za lokalitet Kvadrant "B"****Član 1.**

Ovom Odlukom vrše se izmjene i dopune Odluke o pristupanju izradi Izmjena i dopuna Regulacionog plana "Gradski centar Marijin Dvor" za lokalitet Kvadrant "B" ("Službene novine Kantona Sarajevo", broj 8/16).

Član 2.

U članu 10. u stavu 1. iza riječi Grada Sarajeva tekst "Ministarstvo prostornog uređenja, građenja i zaštite okoliša Kantona Sarajevo" briše se.

U istom članu stav 3. briše se.

Član 3.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-1471/16
28. septembra 2016. godine
Sarajevo

Predsjedavajući
Gradskog vijeća
Suljo Agić, s. r.

OPĆINA CENTAR SARAJEVO**Općinski načelnik**

Na osnovu člana 13., 14., i 15. Zakona o principima lokalne samouprave FBiH ("Službene novine Federacije BiH", br. 49/06 i 51/09) i člana 69. Statuta općine Centar Sarajevo ("Službene novine Kantona Sarajevo", broj 23/04) načelnik Općine Centar donosi

ODLUKU**O USPOSTAVI REGISTRA ADMINISTRATIVNIH
POSTUPAKA OPĆINE CENTAR SARAJEVO****I Osnovne odredbe****Član 1.**

Ovom Odlukom uspostavlja se Registar administrativnih postupaka Općine Centar Sarajevo (u daljnjem tekstu: Registar), određuju rokovi i nosioci aktivnosti za njegovu uspostavu, osnovna načela Registra, osnivanje i ustroj tijela Općine nadležnog za vođenje registarskih postupaka, te druga pitanja od značaja za vođenje i održavanje Registra.

II Osnovni pojmovi**Član 2.**

Registar predstavlja potpunu i sveobuhvatnu evidenciju administrativnih postupaka i centralnu bazu svih podataka od značaja za pokretanje i vođenje administrativnih postupaka pred službama za upravu općine Centar Sarajevo.

Registar se vodi u pisanom i elektronskom obliku i bit će objavljen na zvaničnoj web stranici općine Centar Sarajevo www.centar.ba.

Administrativni postupak, u smislu ove Odluke, predstavlja postupak rješavanja predmeta, od momenta pokretanja postupka od strane pojedinaca i pravnih lica do momenta odlučivanja odnosno odgovora nadležne općinske organizacione jedinice, a u cilju sprovođenja propisa.

Elementi administrativnog postupka obuhvataju sve potrebne informacije, dokumentaciju, rokove i obrasce kojim se stranka obraća općinskim službama za upravu prilikom pokretanja administrativnih postupaka, kao i druge podatke od značaja za vođenje administrativnih postupaka.

Pojam administrativnog postupka podrazumijeva i procedure prijavljivanja za izdavanje licence, dozvole, saglasnosti, odobrenja, rješenja, autorizacije, ovlaštenja, certifikacije, obavještenja, statističko istraživanje i sl.